

Lebih banyak bangunan mesra OKU

KUALA LUMPUR - Kebanyakan bangunan-bangunan lama di ibu negara tidak mesra OKU dan memerlukan penambahbaikan mengikut standard yang sepatutnya.

Datuk Bandar Kuala Lumpur, Datuk Seri Ahmad Phesal Talib berkata, berikutan itu Dewan Bandaraya Kuala Lumpur (DBKL) kini sedang menyediakan 'action area plan' atau pembaharuan bandar bagi memastikan kawasan-kawasan yang mempunyai bangunan lama ini dapat dibangunkan semula.

Menurutnya, beberapa kawasan dikenal pasti dalam usaha memastikan infrastruktur yang ada dapat dinikmati semua golongan tanpa sebarang halangan.

"Pembaharuan bandar ini kita telah mulakan di kawasan Pudu ke sekitar kawasan Pavilion termasuk dalam rancangan naik taraf Jalan Alor yang menjadi tumpuan pelancongan.

"Di kawasan lain, seperti Jalan Klang Lama, kita juga terima banyak permohonan pembangunan semula.

"Jadi kita yakin dengan adanya



Ahmad Phesal (dua, kanan) bersama golongan OKU yang hadir pada Seminar Reka Bentuk Sejagat dan Aksesibiliti untuk Kontraktor Binaan, semalam.

pembangunan semula nanti kemudahan lebih mesra OKU dapat disediakan berdasarkan garis panduan baru yang diperkenalkan, termasuk mementingkan aspek kualitinya," katanya pada Seminar Rekabentuk Sejagat dan Aksesibiliti Untuk Kontraktor Binaan, di sini, semalam.

Ahmad Phesal berkata, pihaknya juga melakukan pemeriksaan terhadap bangunan sedia ada agar kemudahan OKU dipertingkatkan.

Katanya, setiap perancangan pembangunan juga disyaratkan mengikut garis panduan standard baru yang ditetapkan.